



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0020971 21
Sarajevo, 30.01.2023. godine

Na temelju člana 35. stav 2. tačka e), te člana 216. stav 3. Zakona o kaznenom postupku Bosne i Hercegovine, donosim:

N A R E D B U
O NEPROVOĐENJU ISTRAGE

U vezi kaznene prijave, koju je Tužiteljstvo Bosne i Hercegovine zaprimilo putem e-maila sa e-mail adrese: [REDACTED], dana 02.08.2021. godine, zbog negiranja genocida u komentaru na jednom od članaka portala [REDACTED] od strane lica pod korisničkim imenom [REDACTED], nakon izvršenog uvida u spise predmeta, a u smislu odredbe člana 216. stav 3. Zakona o kaznenom postupku Bosne i Hercegovine, donesena je Naredba o neprovođenju istrage iz razloga što prijavljeno djelo nije kazneno djelo.

O B R A Z L O Ž E N J E

Tužiteljstvo Bosne i Hercegovine zaprimilo je dana 02.08.2021. godine, putem e-maila sa e-mail adrese: [REDACTED], kaznenu prijavu protiv lica koje je pod korisničkim imenom [REDACTED], na jednom od članaka portala [REDACTED], po tvrdnjama podnosioca prijave negiralo genocid, te na taj način počinilo kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine.

Analizom spisa predmeta, ne proizilazi da je prijavljeno lice počinilo kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine, obzirom da komentar na portalu [REDACTED], sadržaja: [REDACTED]

[REDACTED] ne potiče na nasilje ili mržnju usmjerenu protiv grupe lica ili člana grupe određene s obzirom na rasu, boju kože, vjeroispovijest, porijeklo ili

nacionalnu ili etničku pripadnost, te je stoga, u smislu odredbe člana 216. stav 3. Zakona o kaznenom postupku Bosne i Hercegovine, donesena Naredba o neprovođenju istrage.

**TUŽITELJSTVO/TUŽILAŠTVO BiH
TUŽITELJ**